


首楞嚴經大勢至菩薩念佛圓通章

～2015/03 佛陀教育基金會「假日佛學院」

提要：

1. 此章為《首楞嚴經》廿五圓通章之廿四。
2. 全章僅有 244 字，便於讀誦，亦可定為日課。
3. 印祖親書，提倡列入淨土五經，後代遵循。
4. 法喻相彰，利益行者悟入，依教而行。
5. 文簡義豐，詳賅念佛三昧法要，總攝自他、定慧、因果，契理契機。
6. 以憶佛念佛為宗，見佛入忍、心境圓通為趣。

科判：（依續法《圓通章疏鈔》）



【釋題】分四：

1. **首楞嚴經**：全稱《大佛頂如來密因修證了義諸菩薩萬行首楞嚴經》。斌宗法師《楞嚴義燈》：「大佛頂首楞嚴經，乃世尊一代法門之精髓，成佛作祖之要道。為宗、教之指南，性、相之總綱。諸佛依之為成佛正因；眾生依之為解脫要訣。在如來三藏聖典中，求其徹底闡明心性；徹底破妄顯真，使人轉物同如來，彈指超越無學者，楞嚴妙法是矣！」「首楞嚴」，《楞嚴經正脈疏》卷1：「涅槃經。佛自釋首楞嚴云：一切事究竟堅固。而古德即明其徹法底源。不動不壞。」(本會版p.184)「非但理性為第一義。萬事萬法皆第一義。以一切事究竟堅固。皆超大小名相之外故也。安有第一義出於斯經之外者乎。」(本會版p.188)
2. **大勢至菩薩**：觀音表慈悲，勢至表智慧。《觀經》云：「見此菩薩一毛孔光，即見十方無量諸佛淨妙光明，是故號此菩薩名無邊光。以智慧光普照一切，令離三塗，得無上力，是故號此菩薩名大勢至。」「此菩薩行時，十方世界一切震動……此菩薩坐時，七寶國土一時動搖。」《思益梵天所

- 問經》卷3〈7 談論品〉：「所投足處，震動三千大千世界及魔宮殿。」(T15, p. 48, c3-4)《楞嚴經》中，此菩薩因地修念佛三昧，也以念佛法門攝受、教導眾生；淨土行者臨終，菩薩俱從彌陀來迎，令得往生極樂世界。
3. **念佛**：四種、五種念佛，詳如拙作《念佛三昧行法初探》。然依印祖教誨：「念佛之法各隨機宜，不可執定，然於一切法中，擇其最要者，莫過於攝耳諦聽，念從心起，聲從口出，音從耳入，行住坐臥均如是念、如是聽；大聲、小聲、心中默念，均如是念、如是聽。念佛時能攝耳諦聽，即都攝六根之法。」～〈致徐志一居士書〉
4. **圓通章**：「圓通」：圓滿通達、周遍融通，指圓滿通達諸法真如聖境，住於融通無礙的心地，即得首楞嚴定。《楞嚴經》卷五及卷六初，有25位羅漢、菩薩各自陳述證得圓通法門，可分為：6根、6塵、6識、7大(地水火風空根識)，此章屬根大(或云「見大」)。25位皆稱圓通，本應平等；但觀音耳根最契娑婆眾生根機，故文殊揀擇、讚嘆「圓通超餘者」、「觀世音為最」、「此是微塵佛，一路涅槃門」。此勢至念佛章乃三根普被、利鈍全收、圓頓直捷，攝機之普，或且過之；故依序本應在23位，今超前而置24位，正顯與觀音耳根同為不思議法門矣！

p. 1 L. 4【教興因緣】

1. 徑路修行：蟻山風水—《廬山蓮宗寶鑑》卷 6：「餘門學道。如蟻子上於高山。淨土往生。似風帆行於順水。彌陀接引。直趣菩提。眾聖提携。高超三界。」(T47, p. 333, b27-29)《樂邦文類》卷 5：善導「唯有徑路修行，但念阿彌陀佛。」(T47, p. 219, b10)
2. 念自心佛：《觀經》云：「是心作佛，是心是佛，諸佛正徧知海從心想生；是故應當一心繫念，諦觀彼佛。」
3. 入佛心性：《觀經》云：「心想佛時。是心即是三十二相八十隨形好。」是故眾生念心佛時，即能悟入佛心性也。佛心性者，楞嚴云：我以妙明不滅不生合如來藏；而如來藏唯妙覺明，圓照法界。
4. 生佛心無差別：《觀經》云：「諸佛如來是法界身，入一切眾生心想中。」《楞嚴》富樓那云：「我與如來寶覺圓明，真妙淨心，無二圓滿。」本章：「若眾生心，憶佛念佛，現前當來，必定見佛，去佛不遠。」更顯心、佛、眾生，三無差別。

5. 凡外橫超：不斷見思，帶業往生，即住正定聚，一生補處。
6. 接引權小：如《往生論》云：大義門功德成就，二乘種不生；得生安樂者，是則成就大乘之門也。見阿彌陀佛時，畢竟與上地諸菩薩身等法。等。
7. 充足三輩：《阿彌陀經疏鈔》卷 1：「三輩九品悉皆度脫。徹上。則三心圓發。直入無生。徹下。則十念成功。亦生彼國。所謂不離一法。巧被諸根。豪傑無下抑之羞。庸愚有仰攀之益。」(X22, p. 611, a20-23)
8. 利益今後：利今即佛在機宜。利後即滅後聞見。《阿彌陀經疏鈔》卷 1：「末世修行多諸障難。一虧正見。即陷羣邪。彼佛願力威神加被行人。大光明中。不遭魔事。能為護念。直至道場。……念佛者。以佛大願攝受。大力匡持。威莫敢干。神不可測。雖有魔事。行將自消。…念佛之人。有四十里光明燭身。魔不能犯。以阿彌陀佛及十方佛。常護念故。從今發心。直至道場。自始至終。吉無不利。」(X22, p. 611, b7-18)
9. 頓攝六根證圓通：頓超、頓證。都攝六根，淨念相繼，若一日至若七日，豈非頓耶？蓮池大師：念一佛名，換彼百千萬億之雜念；即念即空（反妄歸真，全妄即真），非於念外，別得菩提。所謂「的指即有念心得入無念」。
10. 定生佛土：《疏鈔》云：「末法修行多諸障難。邪魔擾亂。佛道難成。今修念佛三昧。承佛願力威神。疾除煩惱。頓破無明。五蘊魔銷。三身佛現。當生極樂佛土。成真應二果矣。如大明燈然於室中。不唯破千年暗。而且見種種物。」「有作之修。終成敗壞。現既圓通。當必見佛歸淨土故。又由定生佛土。所以指出捷徑門路。令預修行疾成佛故。如此終始連環。猶同鈎鎖。」(X16, p. 377, c22-p. 378, a11)

p. 1 L. 10【德雲首宣念佛】《華嚴經》「善財童子五十三參」，第一位參訪的善知識，德雲比丘，教善財童子念佛法門：「憶念一切諸佛境界智慧光明普見法門」，並從此一念佛門，出生二十念佛門。

p. 1 L. 10【馬鳴菩薩立論之祖】《大乘起信論》卷 1：「眾生初學是法欲求正信，其心怯弱。以住於此娑婆世界，自畏不能常值諸佛、親承供養。懼謂信心難可成就，意欲退者，當知如來有勝方便攝護信心。謂以專意念佛因緣，隨願得生他方佛土，常見於佛永離惡道。如修多羅說，若人專念西方極樂世界阿彌陀佛，所修善根，迴向願求生彼世界，即得往生，常見佛故，終無有

退。若觀彼佛真如法身，常勤修習，畢竟得生，住正定故。」(T32, p. 583, a12-21)

p. 1 L. 14【楞嚴云】《楞嚴經》流通分中文也。《楞嚴經正脈疏》：舉利他、自利況顯福報；利他文中，略舉暫爾弘經，因之離苦得樂，滅罪往生；況顯供佛之多福（徧滿十方所有虛空，盈滿七寶，持以奉上微塵諸佛，承事供養，心無虛度），弘經之福，超越前之施人，百倍、千倍、千萬億倍，乃至算數譬喻所不能及。自利文中，云：若有眾生能誦此經，能持此呪；如佛廣說其福德，窮劫不盡。

p. 1 L. -8【偈云】《龍舒增廣淨土文》卷 3：「古人有言。一日無常到。方知夢裡人。萬般將不去。唯有業隨身。妙哉此言也。予故用此後兩句。添以兩句而成一偈云：萬般將不去。唯有業隨身。但念阿彌陀。定生極樂國。」(T47, p. 259, c8-12)

p. 1 L. -7【俱時頓現】《彌陀經》：「我見是利。故說此言。」《要解》：「是利。約命終時心不顛倒而言。蓋穢土自力修行。生死關頭最難得力。無論頑修狂慧。懨懨無功。即悟門深遠、操履潛確之人。儻分毫習氣未除。未免隨強偏墜。」《便蒙鈔》卷 3：「懨懨無功者。頑修。謂但有事行而無理觀者。狂慧。乃但有狂解而無實行者。懨懨。謂臨終時全然無用。唯有慚愧而已。無論謂此二種人。且置而不論也。即悟門深遠。操履潛確之人等者。悟門深遠。勝過頑修者操履潛確。謂工夫恰當。又勝過狂慧者。即此二種人。儻若淫欲習氣。有分毫未除。不免隨強偏墜。」(X22, p. 871, c15-21)

p. 1 L. -3【善導】《佛祖統紀》卷 26：「其勸偈曰：漸漸鷄皮鶴髮。看看行步龍鍾。假饒金玉滿堂。豈免衰殘老病。任是千般快樂。無常終是到來。唯有徑路修行。但念阿彌陀佛。」(T49, p. 263, b11-14)

p. 2 L. 8【念佛六勝益】續法《起信論疏記會閱》卷 10：「禮念佛者。有六種勝益：一諸佛住頂。二天神冥加。三惡鬼不害。四八難消除。五無有諸橫。六臨終佛迎。」(X45, p. 728, a19-21)

p. 2 L. 16【即佛及心】感應道交，心佛不二。佛＝心，全心即佛，非離心有佛；故心一憶也，佛佛全彰。心＝佛，全佛即心，非離佛有心；故佛一稱也，心心頓顯。